



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Epitaphium Ottonis Magnitumulo inscriptum.

urn:nbn:de:hbz:466:1-13553

in tot curis atque laboribus studia literarum neglexit. Historiam seu Chroni-
cam ab ortu mundi vsque ad sua tempora deduxit, & eandem per Raportem
Abbatem S. Stephani in Weihenstephen misit Friderico I. Imperatori, & fini-
uit eandem anno MCXLVI. Dominicæ incarnationis. Item cum Impera-
tor Fridericus Italicam expeditionem perageret, vocatus fuit ab eo veneran-
dus præsul Otto consilij causa, qui propter senium se excusauit. At ille ab
Imperatore benigne dimissus, eidem multis gemitibus commissam sibi Ecce-
lesiam commendauit, ne scilicet post mortem suam ipsam aliquo modo in libertate
electionis aut alias grauaret: super quibus fide accepta ad propriam sedem re-
dijt. Deinde contulit se ad Concilium Cisterciense, vt vir religiosus inter ma-
nus fratrum orantium, potius quam inter strepitus præliantium, Domino spi-
ritum in animo contrito redderet: sic sedem hanc sibi intimè dilectam non si-
ne magnis gemitibus deseruit multisque adstantibus ac de recessu suo dolenti-
bus, vir præclarus se continere non valens omnibus & singulis confratribus
suis, magna cordis contritione & lachrymarum effusione vale dixit: Et viam
tam corpore inualidus carpit versus Monasterium Morimundense, & morbo
pressus ibidem per aliquot dies lecto decumbens, & iam de obitu suo nequa-
quam dubius, dum de omnibus rebus suis propriis laudabili testamento or-
dinasset, inter cætera opera quæ scripsit, emendationi Patrum commisit:
ac se Catholicæ fidei assertorem professus est. Deinde fratribus ad se vocatis,
plura de bono religionis, de immortalitate animæ, de poena damnatorum,
deque gloria *saluatorum grauitè sapienterque locutus est. Postea multa
cordis contritione, & humili confessione reatum suum cognoscens, & se in tan-
tum humilians, quod etiam de inimicis seruatorum suorum veniam petens,
prostrernitur. Demum dum sacro olei liquore, sicut moris est, perunctus
fuisset, & sumtis sacrosanctæ Eucharistiæ mysterijs, in medio multitudinis
fratrum suorum ac bonorum hominum, tam Episcoporum quam Abbatum,
de interitu eius dolentium, & vna cum ipso laudes canentium, spiritum deuo-
tè creatori commendauit: quem in crastino S. Mauricij inter manus psallenti-
um creatori suo reddidit. Cum autem adhuc viuus locum sepulturæ suæ
fratribus digito demonstrasset, huic eius vltimæ voluntati obuiatum est; & in-
fra sepa Ecclesiæ iuxta maius altare honorificè tumulatus est: eiusque sepul-
chrum à cunctis fidelibus veneratione dignum habetur: apud quod nonnulla
miracula facta reperiuntur: Otto Episcopus venerandus qui rexit XX. annis,
secundus fundator Ecclesiæ Frisingen. moritur anno Domini M. CLVIII. tem-
pore Friderici Imper. I. anno regni V.

Salsendo-
rum

Epitaphium Ottonis Magni tumulo inscriptum.

Quam facunda viri vox qualis Philosophia
Hortatu Regum docet edita Chronographia.
Maius exercitium in Theologia.
Si proaui vel Aui probitas, sacer ordo, potestas
Deberet mortis furias cohibere molestas
Non mortuus erat præclare præditus illis.
Heu talem communibus accessisse fauillis.
Hic sacrum Ecclesiæ sublimauit cultum,
Talem nemo plangere potest satis multum.
Plangat hunc Germania, planctu generali
Magis tu Frisinga orbara viro tali.

Pias

Pias funde lachrymas moestum ducens chorum, ^{quod quid mouet V}
 Ad quorum preces continuas & pia lamenta, ^{quod quid mouet V}
 Propitiatur ei Deus, & pia virgo Maria, Amen. ^{quod quid mouet V}
IN nomine sancte & indiuidue trinitatis. Chunradus diuina fauente clementia
 Romanorum Rex secundus. Sicut diuina preordinante clementia ceteris
 mortalibus quodam modo supereminens, sic etiam Ecclesias & ecclesiasti-
 cas personas ab inuasionem quorumlibet regali potentia a Deo nobis commissa
 defendere debemus, per hoc enim & temporalia nostra successu reguntur pro-
 spero, & ipsius fauente clementia qui dat salutem gloria & honore coronabi-
 mur in celo. Nouerit igitur omnium tam presentium quam futurorum indu-
 stria qualiter Palatinus Comes Otto de Witilnespach nostra fretus amonitione
 iudiciariam potestatem quam super ministeriales Frisingen. ecclesie habere vi-
 debatur profusus abnegauit & in presentia episcoporum & ceterorum principu
 copensata sibi tamen consensu totius ecclesie conuenientu utilitate secundum
 consuetudinem curie omnino exfestucauit, huius rei gratia petitione Karissimi
 fratris nostri Ottonis eiusdem ecclesie venerabilis episcopi tam pro seruanda
 Frisingen. ecclesie venerabilis episcopi antiqua libertate, quam reformanda
 pacis tranquillitate constituimus edicto regali precipientes ne prefatus
 Palatinus vel aliquis heredam suorum, ullam deinceps iudiciariam pote-
 statem super ministeriales Frisingen. ecclesie sibi usurpare presumat, sed ipsi
 domino suo episcopo debita subiectione inserviant, & iure ceterorum ministe-
 rialium sine aliqua inquietatione seruiant. Si quis vero quod absit huius prece-
 pti nostri statutum infringere temptauerit, mille libras auri componat, quarum
 partem mediam camere nostre, reliquam vero prefate ecclesie persoluat. Ut autem
 impressio sigilli nostri pagina firma & inconuulsa omni tempore permane-
 at, impressione sigilli nostri eam insigniri iussimus, manuq; nostram, ut infra appa-
 ret, roborantes, Testes qui aderant subnotari fecimus. Signum domini Chunra-
 di secundi Romanoru Regis inuictissimi, Ego Arnoldus Cancellarius recognoui
 Anno dominice incarnat. M. CXL. Ind. III. regnante Chunrado Romanorum
 Rege secundo, anno regni eius III. Data Ratispone Kal. III. Ian. in Christo fe-
 liciter Amen.

IN nomine sancte & indiuidue trinitatis. Chunradus diuina fauente clementia
 Romanorum Rex secundus. Si religiosorum virorum dignis petitionibus ac-
 quiescimus, Si illoru utilitatibus paterne consulimus, si priuilegia ecclesiarum Dei
 antiquitus collata renouando confirmamus, si libertatis iura in eisdem rationa-
 biliter concessa retinemus & conseruamus, procul dubio predecessoru nostro-
 ru Regum exempla tenemus, & id nimiru tam ad presentis vite felicem cursum
 peragendum, quam ad future vite beatitudinem promouendam nobis profuturu
 non dubitamus. Omnibus igitur Christi nostriq; fidelibus tam futuris quam pre-
 sentibus notum esse volumus, qualiter nos pro remedio anime nostre, nec non
 parentu nostroru, & instinctu dilectissime nostre Gerdrudis regine, interuen-
 tu quoq; dilecti fratris nostri Ottonis venerabilis episcopi, omnia sancte Frisingen.
 ecclesie priuilegia renouando confirmasse, nominatim autem comitatu ca-
 tuurie, cum predijs adiacentibus, que pie memorie Imperator Otto pia matris
 sue Altrudis petitione & venerabilis episcopi Abrahe legitime eidem concessit eccle-
 sie. Decernimus etiam regia auctoritate, ut ministeriales eiusdem ecclesie in ea li-
 bertate permaneant, in qua ministeriales regni & ceteraru ecclesiaru, & in predi-
 cto episcopatu nemo monetu preter ipsum Episcopu. Preterea firmiter interdi-
 cimus omne nouu foru in eo episcopatu, nisi q. antiquus roboratu est auctori-
 tate predecessoru nostroru. In ipsa vero Frising. ciuitate annale foru concedimus.

* Caturia

* Adelheid